



gretb

Bord Oideachais agus Oiliúna
na Gaillimhe agus Ros Comáin
*Galway and Roscommon
Education and Training Board*



Bóthar Thuama, Baile Átha an Rí, Co. na Gaillimhe.

POLASAÍ IONTRÁLA MAIDIR LEIS AN SCOILBHLIAIN 2024/2025

COLÁISTE AN EACHRÉIDH Iar-bhunscoil

Bunófar iarratas ar chead iontrála ar chur i bhfeidhm an Pholasaí seo, ar an eolas atá leagtha amach i bhFógra Iontrála bliantúil na scoile agus ar an eolas a chuireann an t-iarratasóir ar fáil ina iarratas iontrála, nuair a bheidh sé faighte roimh an dáta deiridh a n-glacfar le hiarratais mar atá leagtha amach sa bhFógra Iontrála. Is é/í Príomhoide Coláiste an Eachréidh atá freagrach as an bPolasaí Iontrála seo a chur i bhfeidhm.

MAIDIR LE COLÁISTE AN EACHRÉIDH

Ráiteas Misean an Choláiste

I gColáiste an Eachréidh déantar gach dícheall timpeallacht thaitneamhach shlán shábháilte a chur ar fáil ina ndéantar oideachas trí mheán na Gaeilge a sholáthar. Dírítear aird ar fhorbairt acadúil, shóisialta agus chultúrtha na scoláirí le súil lán-chumas a bhaint amach. Aithnítear tréithiúlacht ar leith na scoláirí agus déantar gach iarracht iad a oiliúint le bheith ina saoránaigh measúla, réasúnacha, fiúntacha.

Freagrachtaí i leith na Foirne

Comharsanacht a bheidh slán sábháilte, glan agus deá-chóirithe a sholáthar ina mbeidh deis oibre i gcomhlúadar a thugann tacaíocht, spreagadh agus cúram – ait a mbeidh meas, measaracht agus comhionannas i réim agus deis le dul chun cinn le córais chumarsáide fheiliúnacha.

Freagrachtaí i leith Scoláirí

Deiseanna a sholáthar, i dtimpeallacht shábháilte spreagúil, trínar ndéanfar ár scoláirí a spreagadh lena gcumas a chur i gcrích.

Freagracht i leith an Phobail

Aithnítear freagracht a bheith ar a Coláiste i leith riachtanais agus mianta an phobail agus le lár-ionad do imeachtaí oideachasúla agus réimsí gaolmhara den chaighdeán is airde a sholáthar don phobal áitiúil agus sa gceantar mórthimpeall.

Freagracht don Bhord Oideachais & Oiliúna Gaillimh Ros Comáin (BOOGR)

Aithnítear ár bhfreagracht lena gcuid dualgaisí a chomhlíonadh go proifisiúnta de réir ár gconarthaí oibre agus riachtanais na foirne a chur in iúl don Choiste Gairmoideachais ó am go ham de réir mar a athraíonn cúrsaí.

Bunaíodh Coláiste an Eachréidh i Lúnasa 2006. Is iarbhunscoil lán-Ghaeilge, il-sainchreidmheach í atá faoi choimirce Bord Oideachais agus Oiliúna na Gaillimhe agus Ros Comáin <http://galwayroscommon.etb.ie/>. Múintear gach ábhar trí mheán na Gaeilge agus is í an Ghaeilge teanga chumarsáide an Choláiste.

Suite go lárnach i mBaile Átha an Rí déanann Coláiste an Eachréidh freastal ar cheantar a shíneann ó Thuaim go Béal Átha na Sluaighe, ó oirthear na Cathrach go Baile Locha Riach agus ó dheas go Gort Inse Guaire.

Ó 2006 i leith tá forbairtí leanúnacha bliain i ndiaidh bliana le breis seomraí ranga agus áiseanna eile. Go deimhin, ba chúis mhór ceiliúradh é gur fógraíodh CAMPAS GAELSCOLAÍOCHTA do phobal an Choláiste agus pobal Ghaelscoil Riada. Anuraidh, 2019, bhí fíis an champais fíoraithe sa mhéid is go raibh an 2 scoil aistrithe, ar bhonn shealadach, go dtí an láthair céanna. Tá stair an dá scoil fite fuaite le chéile agus táthar anois ag súil go dtosófar ar obair thógála ar champas buan le linn na scoilbhliana 2020/21. Tá breis is 250 dalta ag freastal ar an gColáiste anois agus ba cheart go dtiocfadh fás ar an líon sin chuile bhliain go ceann cúpla bliain eile.

Sa Meastóireacht Scoile Uile againn bhí an tuairisc an-mholtach, tá sé scríofa ‘.. go bhfuil bainistiú na scoláirí go han-mhaith...’ agus ‘...go bhfuil gaol an-mhaith idir an fhoireann agus na scoláirí...’, gan dabht is príomhchinntí fíor- dhearfacha iad sin.

I gColáiste an Eachréidh cuirtear na clár seo ar leanas ar fáil:

An tSraith Shóisearach

An Idirbhliain (*éigeantach*)

An Ard Teistiméireacht

https://colaisteaneachreidh.com/wp-content/uploads/2023/09/ColaisteAnEachreidh-Broisiur-2023-09_Idirlion.pdf

CLÁR NA nÁBHAR

CUID A – Eolas Ginearálta do gach Iarratasóir

1. Gluais na dtéarmaí
2. Ráiteas Iontrála
3. Creat Dlí
4. Coinníollacha Ginearálta Iontrála

CUID B - Eolas do Chatagóirí ar leith d'Iarratasóirí

5. Iarratas a dhéanamh ar Ghrúpa na Chéad Bhliana
6. Iarratas a dhéanamh ar na Bliainghrúpaí Eile go Léir Seachas an Chéad Bhliain

CUID A

Eolas Ginearálta do Gach Iarratasóir

- 1. Gluais na dtéarmaí***
- 2. Ráiteas Iontrála***
- 3. Creat Dlí***
- 4. Coinníollacha Ginearálta Iontrála (do gach Iarratasóir)***

1 GLUAIS NA DTÉARMAÍ

Is éard is brí le h'**Iarratasóir**' ná tuismitheoir/caomhnóir Dalta, nó, i gcás Dalta a bhfuil 18 bliana sroichte aige/aici, an Dalta féin, a bhfuil iarratas iontrála déanta aige ar Choláiste an Eachréidh.

Is éard is brí le '**Dalta**' an duine a bhfuil iarratas á dhéanamh thar a c(h)eann. Tugtar le fios gur dalta 'ionchasach' atá i gceist leis an bhfocal sin agus an focal sin in úsáid síos tríd an Polasaí seo mar chuid den léirmhíniú. Is é sin, ní hionann go bhfuiltear ag úsáid an fhocail 'Dalta' agus go bhfuil glactha lena iarratas/hiarratas ionas go mbíonn glactha leis/léi ina D(h)alta i gColáiste an Eachréidh de bhua iarratais amháin.

'**Inscne**', i gcomhréir leis an sainmhíniú maidir leis "*an bhforas inscne*" san Acht um Stádas Comhionann 2000 "*gur fear é duine acu agus gur bean í an duine eile*". Ní dhéanann seo dochar d'aon Dalta atá idirghnéasach nó a aithníonn iad féin a bheith Andraigíneach/Andraigin, Dé-inscneach, Leathinscneach, Solúbtha ó thaobh Inscne de, Aiteach ó thaobh Inscne de, Ilinscneach, Neutrois, Neamh-Dhénártha, Trasinscne, Trasghnéasach nó eile.

Tagraíonn '**Ceantar na Scoile**' don cheantar cónaithe ainmnithe chun iarratas a dhéanamh ar ionad i gColáiste an Eachréidh maidir leis an duine a bhfuil iarratas á dhéanamh thar a c(h)eann. Déantar ceantar na scoile maidir le Coláiste an Eachréidh a shainmhíniú mar: ceantar cónaithe ar bith (i nGaillimh, thuaidh, theas nó thoir agus níos faide i gcéin) a fhad is gurbh é Coláiste an Eachréidh an solathrathóir is congaraí oideachais lán-Ghaeilge den áit chonaithe úd.

Tá an bhrí chéanna le '**Tuismitheoir**' is atá san Acht Oideachais 1998 agus áirítear leis sin tuismitheoir altrama agus caomhnóir arna gceapadh faoi na hAchtanna um Chaomhnóireacht Leanaí 1964 go 1997.

Tagraíonn '**Bunscoileanna Friothálacha**' do na bunscoileanna is rogha chun iarratas a dhéanamh ar Choláiste an Eachréidh. Is iad na bunscoileanna Friothálacha maidir le Coláiste an Eachréidh ná:

- 1.1. Gaelscoil Riada, Baile Átha an Rí

- 1.2. Gaelscoil Iarfhiltha, Tuaim, Co. na Gaillimhe
- 1.3. Gaelscoil De hÍde, Uarán Mór, Co. na Gaillimhe
- 1.4. Gaelscoil Riabach, Baile Locha Riach, Co. na Gaillimhe
- 1.5. Gaelscoil Dara, Rinn Mór, Co. na Gaillimhe
- 1.6. Gaelscoil Uí Cheithearnaigh, Baile na Sluaighe, Co. na Gaillimhe
- 1.7. Gaelscoil na bhFilí, Gort Inse Guaire, Co. na Gaillimhe
- 1.8. Iarratasóir as aon, agus gach bunscoil, a fhad is go sásaítear an sainmhíniú (thuas) ar Cheantar na Scoile

Chun críche an chritéir roghnúcháin maidir le dalta ar fhreastail siblín leis/léi ar an scoil céanna, tagraíonn **'Siblín'** do lánshiblí, leathshiblí, siblí altrama agus leas-shiblí.

Chun críche an chritéir roghnúcháin maidir le dalta a bhfuil siblín leis/léi ar rolla na scoile faoi láthair, tagraíonn **'Siblín'** do lánshiblí, leathshiblí, siblí altrama agus leas-shiblí agus siblí a bhfuil cónaí orthu sa teaghlach céanna.

Tabhair ar Aird: is ar mhaithe le teaghlaigh a mbíonn orthu níos mó ná turas amháin a dhéanamh chuig an scoil agus/nó ón scoil a éascú atá an dara sainmhíniú níos leithne sa dara alt den dá alt atá tugtha díreach thuas.

Is éard is brí leis an '**gCéad Bhliain'** an grúpa Daltaí a nglactar leo don rang nó an bhliain is sóisearaí sa scoil.

2 RÁITEAS IONTRÁLA

Sainmhíniú ar 'Scoil Il-Sainchreidmheach' i gcomhthéacs BOO

Is scoileanna stáit, comhoideachais, il-sainchreidmheacha iad scoileanna BOO a bhfuil na croíluachanna seo a leanas mar bhonn agus mar thaca acu:

- Barr Feabhais san Oideachas;
- Cúram;
- Comhionannas:
- Pobal agus
- Meas.



Is mar seo a leanas a dhéanann earnáil na mBOOanna, mar sholáthróir oideachais an stáit, scoil 'il-sainchreidmheach' a shainmhíniú:

Tugtar an deis chéanna do gach dalta rollú i scoileanna BOO i gcomhréir leis an Acht Oideachais (Ligean isteach i Scoileanna), 2018. Nuair atá daltaí ar an rolla, féachtar inár gcuid scoileanna leis na deiseanna céanna a chur ar fáil do gach dalta a bheith rannpháirteach sa churaclam agus i saol na scoile. Caitear go cothrom le gach duine de phobal na scoile i ngach gné de shaol na scoile gan beann ar chine, inscne, reiligiún/creideamh, aois, stádas teaghlaigh, stádas sibhialta, ar duine den Lucht Siúil iad, claonadh gnéis, cumas nó stádas socheacnamaíoch.

Cuirtear timpeallacht shlán fhisiciúil agus shóisialta ar fáil inár gcuid scoileanna a chothaíonn ceangal láidir i measc phobal na scoile agus an pobal i gcoitinne.

Féachann gach scoil cur ar chumas gach dalta barr a gcumais a bhaint amach gan beann ar fhéiniúlacht nó cúlra. Cuirtear oideachas lán-ionchuimsithe chun cinn inár gcuid scoileanna ina n-aithnítear an iliomad féiniúlachtaí, creideamh agus luachanna daltaí, tuismitheoirí agus bhaill den fhoireann. Ullmhaímid saoránaigh atá leathanaigeanta, a bhfuil tuiscint acu ar chultúir, atá freagrach agus a bhfuil meas acu ar chomhluachanna.

Caitear mar a chéile le daltaí de gach reiligiún agus creideamh i scoileanna BOO. Ní thugtar buntáiste d'aon ghrúpa ar leith seachas grúpa eile i dtimpeallacht ná i ngníomhaíochtaí scoile agus tugtar aitheantas ag an am céanna do dhaltaí de gach reiligiún agus creideamh agus éascaítear iad.

Dá réir sin, ní dhéanfaidh Coláiste an Eachréidh aon leithcheal maidir le Dalta a ligean isteach bunaithe ar na forais a leanas:

- 2.1. Inscne an Dalta nó an Iarratasóra. Sa chás nach nglacann scoil ach le hinscne amháin áfach, ní leithcheal é mura nglacann an scoil sin le Daltaí nach mbaineann leis an inscne sin;
- 2.2. Stádas sibhialta an Dalta nó Iarratasóra.
- 2.3. Stádas teaghlaigh an Dalta nó Iarratasóra.
- 2.4. Claonadh gnéis an Dalta nó Iarratasóra.
- 2.5. Reiligiún an Dalta nó Iarratasóra.
- 2.6. Míchumas an Dalta nó Iarratasóra.
- 2.7. Cine an Dalta nó Iarratasóra.
- 2.8. Gur duine den Lucht Siúil an Dalta nó an tIarratasóir.
- 2.9. Riachtanais oideachais speisialta an Dalta nó Iarratasóra.

Ní ghearrfaidh Coláiste an Eachréidh táillí ná íocaíochtaí ná ní beidh an scoil ag lorg ranníocaíochtaí mar choinníoll iontrála ná i ndáil le rollú leanúnach an Dalta.

3 CREAT DLÍ

Bunaíodh BOOGR faoin Acht um Boird Oideachais agus Oiliúna 2013 ina leagtar amach feidhmeanna gach BOO, lena n-áirítear scoileanna aitheanta, ionaid oideachais, agus saoráidí oideachais agus oiliúna a bhunú agus a choinneáil i limistéar feidhme gach BOO.

Coiste a bunaíodh faoi alt 44 den Acht um Boird Oideachais agus Oiliúna 2013 é bord bainistíochta Coláiste an Eachréidh agus is ionann sin chomh maith agus bord bainistíochta de réir bhrí an Achta Oideachais 1998.

Leagann an tAcht Oideachais (Ligean isteach i Scoileanna), 2018 agus an tAcht Oideachais (Leas) 2000 dualgas ar scoileanna Polasaí Iontrála a ullmhú agus a fhoilsiú.

Déantar foráil san Acht Oideachais 1998 do phróiseas achomhairc sa chás go ndiúltaítear le rollú. Leagtar amach an próiseas achomhairc in alt 5.3 maidir le hiarratais a dhéantar ar Ghrúpa na Céad Bhliana agus in alt 6.3 maidir le hiarratais a dhéantar ar gach bliain seachas ar Ghrúpa na Chéad Bhliana.

Tá sé tábhachtach go dtuigtear nach gcuireann ár scoil '*treoir reiligiúnach*' ar fáil agus mar sin ní thagann an riachtanas dlí comhairle a thabhairt maidir le gan a bheith páirteach i dtreoir reiligiúnach chun cinn sa scoil seo. Tá sé tábhachtach chomh maith go dtuigtear an difear idir '*treoir reiligiúnach*' agus '*oideachas reiligiúnach*':

- Is téarma é *treoir reiligiúnach* a úsáidtear in Éirinn chun treoir de réir deasghnáth, cleachtaí agus teagasc reiligiúin nó sainchreidimh **faoi leith** a thabhairt do dhaltaí den traidisiún reiligiúin sin a thabhairt le fios.
- Tá *oideachas reiligiúnach* oscailte go gach dalta cibé gealltanais atá déanta acu do reiligiún nó cruinneshamhail ar leith. Tá mar aidhm leis cur le forbairt spioradálta agus forbairt mhorálta gach dalta ar chomhchéim.

Mar gor bhfuil scoileanna BOO il-sainchreidmheach, tacaíonn Coláiste an Eachréidh le *hoideachas reiligiúnach* a chur ar fáil a fhreastalaíonn ar gach dalta beag beann ar a gcreideamh reiligiúnach nó neamhreiligiúnach.

Comhlíonfaidh Coláiste an Eachréidh le haon ordúchán a sheirbheálfar ar an mbord nó ar an bpátrún faoi alt 37A agus 67(4)(b).

Comhoibreoidh Coláiste an Eachréidh leis an CNOS i gcomhlíonadh fheidhmeanna na Comhairle faoin Acht um Oideachas do Dhaoine a bhfuil Riachtanais Speisialta Oideachais Acu, 2004 maidir le soláthar oideachais do leanaí a bhfuil riachtanais speisialta oideachais acu, lena n-áirítear soláthar agus feidhmiú rang nó ranganna speisialta nuair a iarrann an Chomhairle a leithéid.

4 COINNÍOLLACHA GINEARÁLTA IONTRÁLA

Bunófar cinneadh ar iarratas ar iontráil:

- ar chur i bhfeidhm an Pholasaí Iontrála seo,
- ar Fhógra Iontrála bliantúil na scoile, agus
- ar an eolas a chuireann an t-iarratasóir ar fáil san iarratas ar iontráil.

Más amhlaidh, roimh thosach feidhme alt 62 den Acht Oideachais 1998 leis an Acht Oideachais (Ligean isteach i Scoileanna) 2018 an 1 Feabhra 2020, gur dheimhnigh Coláiste an Eachréidh, i scríbhinn, gur cuireadh Iarratasóir ar liosta maidir le leithdháileadh áiteanna scoile le haghaidh iontrála roimh an 1 Feabhra 2025, ansin beidh an deimhniú seo fós bailí agus tairgfear an áit sin don Iarratasóir.

Agus iarratas á phróiseáil, **ní chuirfidh** Coláiste an Eachréidh **na nithe seo a leanas san áireamh**:

4.1 Íocaíocht táillí nó ranníocaíochtaí leis an scoil;

4.2 Cumas acadúil, scileanna nó inniúlacht an Dalta; ach amháin más rud é:

- go soláthraíonn an tIarratasóir fianaise ar an méid sin mar fhianaise ar leibhéal líofachta an Dalta sa Ghaeilge agus go bhfuil ró-iarratas ar an scoil.

- 4.3 Slí bheatha, stádas airgeadais, cumas acadúil, scileanna nó inniúlacht Tuismitheoir(í) Dalta;
- 4.4 Riachtanas go bhfreastalódh Dalta nó a T(h)uismitheoir(í) ar agallamh, lá oscailte nó cruinniú eile mar choinníoll iontrála;

- 4.5 An nasc atá ag Dalta leis an scoil toisc ball teaghlaigh a bheith aige/aici atá ag freastal nó a d'fhreastail roimhe sin ar an scoil ach amháin má bhaineann an nasc le siblín de chuid an Dalta atá ag freastal, nó a d'fhreastail, ar an scoil ach amháin má bhaineann an nasc le siblín de chuid an Dalta atá ag freastal, nó a d'fhreastail, ar an scoil.
- 4.6 An dáta agus an t-am a fuair an scoil iarratas iontrála fad is a fhaightear é le linn na tréimhse a shonraítear chun iarratais a fháil a leagtar amach san Fhógra Iontrála don bhliain acadúil sin.

Déanfaidh Coláiste an Eachréidh tairiscint ar áit **a bhreithniú** maidir le gach Dalta atá ag lorg iontrála sa scoil, **ach amháin i gcás [ceann de] na cásanna seo a leanas:**

- 4.7 Cliseann ar an Tuismitheoir a dheimhniú i scríbhinn go nglacann sé/sí le Cód Iompair na nDaltaí agus go ndéanfaidh sé/sí gach iarracht réasúnta lena chinntiú go gcloífidh an Dalta leis an gcód sin;
- 4.8 Tá dualgas cúraim ar an mbord bainistíochta, chomh fada is atá indéanta, sláinte agus sábháilteacht mhic léinn agus fhoireann na scoile a chinntiú. Chomh maith leis sin, éilítear ar an mbord bainistíochta faoi alt 15(1) den Acht Oideachais, 1998, oideachas cuí a chur ar fáil, nó an t-oideachas sin a chur faoi deara a sholáthar, do gach mac léinn a fhreastalaíonn ar an scoil a bhfuil an bord freagrach aisti.
- Féadfar iarratas ar iontráil a dhiúltú, dá bhrí sin, dá mba rud é go gcruthódh iontráil an iarratasóra riosca suntasach do shláinte agus do shábháilteacht an iarratasóra nó do mhic léinn agus d'fhoireann na scoile, nó a chruthódh riosca suntasach a chuirfeadh isteach ar chearta mhic léinn eile ar oideachas cuí.

Sa chás go gcuireann Coláiste an Eachréidh iarratas san áireamh, gheobhaidh gach Dalta áit, ach amháin sa chás go bhfuil ró-iarratas ar an scoil, agus sa chás sin, cuirfear critéir roghnúcháin i bhfeidhm ar gach iarratas.

Déantar plé in Alt 5 den Pholasáí seo ar na critéir roghnúcháin agus ceisteanna eile maidir leis na coinníollacha iontrála do Ghrúpa na Chéad Bhliana.

Déantar plé in Alt 6 den Pholasáí seo ar na critéir roghnúcháin agus ceisteanna eile maidir leis na coinníollacha iontrála do na bliainghrúpaí uile seachas an Chéad Bhliain.

CUID B

Eolas do Chatagóirí Iarratasóirí ar Leith

- 5. Iarratas ar Ghrúpa na Chéad Bhliana***
- 6. Iarratas ar na Bliainghrúpaí uile seachas an Chéad Bhliain***

ALT 5

IARRATAS AR GHRÚPA NA CHÉAD BHLIANA

5 IARRATAS AR GHRÚPA NA CHÉAD BHLIANA

5.1 Coinníollacha Iontrála (Grúpa na Chéad Bhliana)

- 5.1.1. Ró-iarratas
- 5.1.2. Critéir roghnúcháin in ord tosaíochta
- 5.1.3. Próiseas roghnúcháin
- 5.1.4. Iarratais dhéanacha
- 5.1.5. Tairiscintí ar áit sa dara/tríú babhta
- 5.1.6. Glacadh le háit
- 5.1.7. Diúltú
- 5.1.8. Tairiscint a tharraingt siar
- 5.1.9. Achomhairc

5.2 Coinníollacha Iontrála don Aonad Lán-Ghaeilge (Grúpa na Chéad Bhliana) - (*Ní Bhaineann*)

5.3 Achomhairc

- 5.3.1. Achomharc sa chás gur bhain an diúltú le ró-iarratas
- 5.3.2. Achomharc sa chás gur bhain an diúltú le cúis eile seachas ró-iarratas
- 5.3.3. Bonn achomhairc

5.1 COINNÍOLLACHA IONTRÁLA (GRÚPA NA CHÉAD BHLIANA)

Sa chás nach bhfuil ró-iarratas ar Choláiste an Eachréidh, tairgfear áit sa scoil do gach Dalta, faoi réir ailt 4.7 agus 4.8.

5.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 5.1.2 iad thíos agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Coláiste an Eachréidh in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

5.1.2 Critéir roghnúcháin

Cuirfidh Coláiste an Eachréidh na critéir seo a leanas i bhfeidhm do Ghrúpa na Chéad Bhliana:

- 5.1.2.1 Má tá cónaí ar an Dalta i gCeantar na Scoile;
- 5.1.2.2 Má tá siblíní leis an Dalta cláraithe sa scoil faoi láthair;
- 5.1.2.3 Más rud é gur fhreastail an Dalta ar bhunscoil fhriothálach mar atá leagtha amach i gCuid A-1 Gluais na dTearmaí, 1.1 – 1.8;

- 5.1.2.4 Má bhí siblíní leis an Dalta cláraithe sa scoil roimhe seo;
- 5.1.2.5 Más ball foirne reatha é/í tuismitheoir/caomhnóir an Dalta

5.1.3 Próiseas roghnúcháin

Cuirfidh Coláiste an Eachréidh an próiseas roghnúcháin i bhfeidhm mar seo a leanas:

Tairgfear áit d'Iarratasóir i gColáiste an Eachréidh ag brath ar líon na gcritéar roghnúcháin atá foilsithe a shásaíonn sé/sí *i.e.* tabharfar tús áite d'Iarratasóir a shásaíonn trí cinn de na critéir iarratais a shonraítear seachas d'Iarratasóir a shásaíonn péire de na critéir iarratais a shonraítear.

Sa chás go gcomhlíonann dhá iarratas nó níos mó an líon céanna critéar roghnúcháin agus go mbíonn siad cothrom lena chéile i dtaobh áit a fháil, cuirfidh Coláiste an Eachréidh crannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

5.1.4 Iarratais dhéanacha

Meastar gur iarratas déanach é iarratas a fhaigheann Coláiste an Eachréidh i ndiaidh an dáta deiridh a d'fhoilsigh an scoil agus a bhí leagtha amach san Fhógra Iontrála, chun críocha an Pholasáí Iontrála seo.

Sa chás go mbíonn ró-iarratas ar Choláiste an Eachréidh agus go bhfaigheann sí iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh d'iarratais. Cuirfear iarratais dhéanacha dá leithéid sin ar an liosta feithimh de réir an dáta agus an ama a fuair an scoil iad, faoi réir ailt 4.7 agus 4.8.

Sa chás nach bhfuil ró-iarratas ar Choláiste an Eachréidh agus go bhfaigheann sí iarratas déanach, tairgfear áit sa scoil don Dalta atá ag lorg iontrála, faoi réir ailt 4.7 agus 4.8, agus baineann an próiseas céanna le hIarratasóirí a bhfuarthas a n-iarratais roimh an dáta deiridh, *i.e.* eiseofar Foirm Ghlachtha chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

5.1.5 Tairiscintí ar áit sa dara/tríú babhta

Sa chás go mbíonn tairiscint ar áit i gColáiste an Eachréidh ag Dalta ach nach nglacann sé/sí léi, nó go dtarraingíonn an scoil siar í de réir choinníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líontar gach áit sa scoil.

5.1.6 Glacadh le háit

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Ghhlactha chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Ghhlactha a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Ghhlactha agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

5.1.7 Diúltú

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

- 5.1.7.1. Na cúiseanna nár tairgeadh áit i gColáiste an Eachréidh don Dalta;
- 5.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an mbliainghrúpa ar a bhfuil an tIarratasóir ag déanamh iarratais;
- 5.1.7.3. Sonraí faoi áit an Dalta ar an liosta feithimh, más bainteach; agus

- 5.1.7.4. Sonraí faoin gceart atá ag an Iarratasóir achomharc a dhéanamh faoin gcinneadh.

Chomh maith leis na coinníollacha maidir le hiarratas a mheas mar a leagtar amach i 4.7 agus 4.8 ní féidir tairiscint iontrála a dhéanamh sa chás:

- 5.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

5.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 5.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 5.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 5.1.8.3. Níor chuir an tIarratasóir in iúl:
- (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú tairisceana ó scoil(eanna) eile, agus más amhlaidh atá, sonraí na scoile(anna); agus
 - (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit ar an liosta iontrála nó ar an liosta feithimh don bhliain acadúil sin agus glacfar le haon iarratais eile a dhéantar ar son an Dalta sin don bhliain acadúil chéanna mar iarratais dhéanacha de réir alt 5.1.4 thuas.

5.1.9 Achomhairc

Féach alt 5.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Coláiste an Eachréidh maidir le hiontráil i nGrúpa na Chéad Bhliana.

5.2. IONTRÁIL SAN AONAD LÁN-GHAEILGE (NÍ BHAINNEANN)

5.3. ACHOMHAIRC

5.3.1. Achomharc sa chás gur bhain an diúltú le ró-iarratas

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a (h)achomharc a chur isteach i scríbhinn, ach Foirm Iarratais Achomhairc de chuid Alt 29, atá ar fáil ó oifig na scoile agus ar shuíomh gréasáin na scoile, a chomhlánú chun go ndéanfadh bord bainistíochta Coláiste an Eachréidh, ***Coláiste an Eachréidh, Bóthar Thuama, Baile Átha an Rí, Co. na Gaillimhe, H65WD54*** (colaiste.aneachreidh@gretb.ie), athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998.

5.3.2. Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i gColáiste an Eachréidh dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a (h)achomharc a chur i scríbhinn, trí Fhoirm Iarratais Achomhairc de chuid Alt 29, atá ar fáil ó oifig na scoile nó ar shuíomh gréasáin na scoile, a chomhlánú chun go ndéanfadh bord bainistíochta Coláiste an Eachréidh athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais agus Scileanna faoi acht 29A den Acht Oideachais 1998.

Mura mbíonn Iarratasóir, a bheartaíonn achomharc a dhéanamh os comhair an bhoird bainistíochta, sásta le cinneadh an bhoird bainistíochta, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998 freisin.

5.3.3. Bonn achomhairc:

Faoi mar a éilítear in alt 29C(2) den Acht Oideachais 1998, ní mór d'iarratas ar achomharc a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar achomharc ar an gcinneadh amach ann.

ALT 6

IARRATAS AR NA BLIAINGHRÚPAÍ UILE SEACHAS AN CHÉAD BHLIAIN

6 IARRATAS AR NA BLIAINGHRÚPAÍ UILE SEACHAS AN CHÉAD BHLIAIN

6.1 Coinníollacha Iontrála (seachas an Chéad Bhliain)

- 6.1.1. Ró-iarratas
- 6.1.2. Critéir roghnúcháin in ord tosaíochta
- 6.1.3. Próiseas roghnúcháin
- 6.1.4. Iarratais dhéanacha
- 6.1.5. Tairiscintí ar áit sa dara/tríú babhta
- 6.1.6. Glacadh le háit
- 6.1.7. Diúltú
- 6.1.8. Tairiscint a tharraingt siar
- 6.1.9. Achomhairc

6.2 Coinníollacha Iontrála don Aonad Lán-Ghaeilge (seachas an Chéad Bhliain) (*Ní Bhaineann*)

6.3 Achomhairc

- 6.3.1. Achomharc sa chás gur bhain an diúltú le ró-iarratas
- 6.3.2. Achomharc sa chás gur bhain an diúltú le cúis eile seachas ró-iarratas
- 6.3.3. Bonn achomhairc

6.1 COINNIOLLACHA IONTRÁLA (SEACHAS AN CHÉAD BHLIAIN)

Sa chás nach bhfuil ró-iarratas ar Choláiste an Eachréidh, tairgfear áit sa scoil do gach Dalta, faoi réir ailt 4.7 agus 4.8.

6.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 6.1.2 thíos iad, agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Coláiste an Eachréidh in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

Nuair atá Clár Idirbhliana i gColáiste an Eachréidh agus é ró-shuibscríofa beidh Mac Léinn a dhéanann iarratas ar iontráil chuig clár dá leithéid faoi réir ag an bpolasaí seo agus, dá réir, cuirfear an tésin ar an liosta feithimh chuí a bhíonn tiomsaithecheana féin (go bliantúil) ag an scoil, arb é sin an liostaina mbeidh ainmneacha na mac léinn atá cláraithe sa scoil agus atá curtha ar liosta feithimh inmheánaigh don chlár seo.

6.1.2 Critéir roghnúcháin in ord tosaíochta

Cuirfidh Coláiste an Eachréidh na critéir seo a leanas i bhfeidhm do bhliainghrúpa seachas do Ghrúpa na Chéad Bhliana:

- 6.1.2.1 Má tá cónaí ar an Dalta i gceantar na scoile;
- 6.1.2.2 Má tá siblíní leis an Dalta cláraithe sa scoil faoi láthair;
- 6.1.2.3 Má bhí siblíní leis an Dalta cláraithe sa scoil roimhe seo;
- 6.1.2.4 Más ball foirne reatha é/í tuismitheoir/caomhnóir an Dalta.

Ní chuirfear aon chritéir roghnúcháin nach n-áirítear sa Pholasaí Iontrála seo san áireamh agus cinneadh á dhéanamh cibé an bhfuil nó nach bhfuil Iarratasóir á ligean isteach.

6.1.3 Próiseas roghnúcháin

Cuirfidh Coláiste an Eachréidh an próiseas roghnúcháin i bhfeidhm mar seo a leanas:

Tairgfear áit d'Iarratasóir i gColáiste an Eachréidh ag brath ar líon na gcritéar roghnúcháin atá foilsithe a shásaíonn sé/sí i.e. tabharfar tús áite d'Iarratasóir a shásaíonn trí cinn de na critéir iarratais a shonraítear seachas d'Iarratasóir a shásaíonn péire de na critéir iarratais a shonraítear.

Sa chás go sásaíonn dhá iarratas nó níos mó an líon céanna critéar roghnúcháin agus go mbíonn siad cothrom lena chéile chun áit a fháil, cuirfidh Coláiste an Eachréidh crannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

6.1.4 Iarratais dhéanacha

Meastar gur iarratas déanach é iarratas a fhaigheann Coláiste an Eachréidh i ndiaidh an dáta deiridh a d'fhoilsigh Coláiste an Eachréidh agus a bhí leagtha amach san Fhógra Iontrála, chun críocha an Pholasaí Iontrála seo.

Sa chás go mbíonn ró-iarratas ar Choláiste an Eachréidh agus go bhfaigheann sí iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh

d'iarratais. Cuirfear iarratais dhéanacha dá leithéid sin ar liosta feithimh de réir an dáta agus an ama a fuair an scoil iad Cuirfear iarratais dhéanacha dá leithéid sin ar liosta feithimh de réir an dáta agus an ama a fuair an scoil iad, faoi réir ailt 4.7 agus 4.8.

Sa chás nach bhfuil ró-iarratas ar Choláiste an Eachréidh agus go bhfaigheann sí iarratas déanach, tairgfear áit i gColáiste an Eachréidh don Dalta atá ag lorg iontrála, faoi réir ailt 4.7 agus 4.8, agus baineann an próiseas céanna le hIarratasóirí a bhfuarthas a n-iarratais roimh an dáta deiridh, *i.e.* eiseofar Foirm Ghhlactha chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

6.1.5 Tairiscintí ar áit sa dara/tríú babhta

Sa chás go mbíonn tairiscint ar áit i gColáiste an Eachréidh ag Dalta ach nach nglacann sé/sí léi, nó go dtarraingíonn an scoil siar í de réir chionníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líonfar gach áit sa scoil.

6.1.6 Glacadh le háit:

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Ghhlactha chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Ghhlactha a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Ghhlactha agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist,

d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

6.1.7 Diúltú:

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

- 6.1.7.1. Na cúiseanna nár tairgeadh áit i gColáiste an Eachréidh don Dalta;
- 6.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an mblianghrúpa ar a bhfuil an tIarratasóir ag déanamh iarratais;
- 6.1.7.3. Sonraí faoi áit an Dalta ar an liosta feithimh, más bainteach; agus
- 6.1.7.4. Sonraí faoin gceart atá ag an Iarratasóir achomharc a dhéanamh faoin gcinneadh.

Chomh maith leis na coinníollacha maidir le hiarratas a mheas mar a leagtar amach i 4.7 agus 4.8, ní féidir tairiscint iontrála a dhéanamh sa chás:

- 6.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

6.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 6.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 6.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an dáta nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 6.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú

tairisceana ó scoil(eanna) eile, agus más amhlaidh atá,
sonraí na scoile(eanna);

agus

- (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit ar an liosta iontrála nó ar an liosta feithimh don bhliain acadúil sin agus glacfar le haon iarratais eile a dhéantar thar ceann an Dalta sin don bhliain acadúil chéanna mar iarratais dhéanacha de réir alt 6.1.4 thuas.

6.1.9 Achomhairc

Féach alt 6.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Coláiste an Eachréidh maidir le hiontráil i mbliainghrúpa seachas Grúpa na Chéad Bhliana.

6.2 COINNÍOLLACHA IONTRÁLA DON AONAD LÁN- GHAELGE (SEACHAS AN CHÉAD BHLIAIN) *NÍ BHAINNEANN*

6.3 ACHOMHAIRC

6.3.1. Achomharc sa chás gur bhain an diúltú le ró-iarratas

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a (h)achomharc a chur isteach i scríbhinn, ach Foirm Iarratais Achomhairc de chuid Alt 29, atá ar fáil ó oifig na scoile agus ar shuíomh gréasáin na scoile, a chomhlánú chun go ndéanfaidh bord bainistíochta Coláiste an Eachréidh ag **Coláiste an Eachréidh, Bóthar Thuama, Baile Átha an Rí, Co. na Gaillimhe, H65WD54** (colaiste.aneachreidh@gretb.ie) athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998.

6.3.2. Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i gColáiste an Eachréidh dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a (h)achomharc a chur i scríbhinn, trí Fhoirm Iarratais Achomhairc de chuid Alt 29, atá ar fáil ó oifig na scoile nó ar shuíomh gréasáin na scoile, a chomhlánú chun go ndéanfaidh bord bainistíochta Coláiste an Eachréidh athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais agus Scileanna faoi acht 29A den Acht Oideachais 1998.

Mura mbíonn Iarratasóir, a bheartaíonn achomharc a dhéanamh os comhair an bhoird bainistíochta, sásta le cinneadh an bhoird bainistíochta, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998 freisin.

6.3.3. Bonn achomhairc:

Faoi mar a éilítear in alt 29C(2) den Acht Oideachais 1998, ní mór d'iarratas ar achomharc a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar achomharc ar an gcinneadh amach ann.

Tomás Ó Loiscdeal Bha

30/1/23

Sinead Nic Stiofain